

SAMOA

**TULAFONO FAATONUTONU O LE FAAFOEGA
O KASINO MA TAALOGA ESEESE TAU TUPE
(TOTOGIFUAPAUINA) 2013**

Faatulagaina o Aiaiga

1. Igoa puupuu ma le amataga
2. Faamatalaina o uiga o upu
3. Tusi faamaonia o le faatagaga
4. Totogifuapauina

E TUSA AI ma le fuaiupu 89 o le Tulafono o le Faafoga o Kasino ma Taaloga Eseese Tau Tupe 2010 (o le Tulafono), **O AU, TUI ATUA TUPUA TAMASESE EFI**, o Le Ao o le Malo, i le faia i luga o le fautuaga a le Kapeneta, **UA OU FAIA AI** Tulafono Faatonutonu ua taua e faapea:

FAIA i lenei aso 26 o Aperila 2013.

sainia: (Tui Atua Tupua Tamasese Efi)
OLE AO O LE MALO

TULAFONO FAATONUTONU

1. Igoa puupuu ma le amataga - E mafai ona taua nei Tulafono Faatonutonu o Tulafono Faatonutonu o le Faafoega o Kasino ma Taaloga Eseese Tau Tupe (Totogifuapauina) 2013, ma e amata faamamaluina i le aso e sainia ai e Le Ao o le Malo.

2. Faamatalaina o uiga o upu - I totonu o nei Tulafono Faatonutonu, ae vagana ai ua manaomia e le mataupu se isi uiga e ese ai:

“tagata e fesootai i ai” o lona uiga o se tagata e taua lona tulaga, o ia lea o se ofisa sili o pulega, pule sinia po o se tagata faigaluega sinia o le kasino;

“tusi faamaonia o le faatagaga” o lona uiga o se tusi faamaonia o le faatagaga ua tuuina atu i lalo o le tulafono faatonutonu 3;

“tagata faigaluega” o lona uiga o se tagata faigaluega o se kasino e ese ai na i lo se tagata e fesootai i ai.

3. Tusi faamaonia o le faatagaga-(1) E lē mafai ona faafaigaluegaina se tagata i se kasino e avea ma se tagata e fesootai i ai seia vagana ai ua i ai i le tagata se tusi faamaonia o le faatagaga ua tuuina atu e le Pulega i luga o se talosaga tusitusia.

(2) E lē mafai ona faafaigaluegaina se tagata i se kasino e avea o se tagata faigaluega seia vagana ai ua i ai i le tagata se tusi faamaonia o le faatagaga ua tuuina atu e le Pulega i luga o se talosaga tusitusia.

(3) O se tagata o ia lea ua lē tausisia le faafuaiupu (1) po o le (2), ua faia se soligatulafono ma e noatia i luga o moliaga ua faamaonia faaetulafono:

(a) mo se tagata e fesootai i ai, i se sala tupe e lē silia le 10 iunite tau faasalaga; ma

(b) mo se tagata faigaluega, i se sala tupe e lē silia le 5 iunite tau faasalaga.

(4) O se kamupani kasino ua laiseneina lea e faafaigaluegaina se tagata e aunoa ma se tusi faamaonia o le faatagaga, ua faia o se soligatulafono ma e noatia i se sala tupe e lē silia le 50 iunite tau faasalaga.

4. Totogifuapauina-(1) O totogifuapauina mo le faamoemoe o lenei Tulafono o lo o faatulaga atu i le Faamatalaga.

(2) O le totogifuapauina o le laisene o le kasino e totogiina atu e tusa ai ma le fuaiupu 36 o le Tulafono.

FAAMATALAGA

(tulafono faatonutonu 2)

TOTOGIFUAPAUINA

NU.	MATAUPU	TOTOGI-FUAPAUINA
1	Totogifuapauina faaletausaga o le laisene o le kasino mo le Aggie Grey's Beach Resort Samoa Limited	USD100,000
2	Totogifuapauina faaletausaga o le laisene o le kasino mo le kamupani Chengdu Century City New International Convention and Exhibition Centre Company Limited	USD150,000
3	Tusi faamaonia o le faatagaga mo tagata e fesootai i ai	WST500
4	Tusi faamaonia o le faatagaga mo tagata faigaluega	WST250

4 *Tulafono Faatonutonu o le Faafoega o Kasino* 2013/6
ma Taaloga Eeseese Tau Tupe (Totogifuapauina)

**Tuuina atu i lalo o le pule faataga a le Tulafono o Tulafono
Faatonutonu 1953.**

Aso e amata faamamaluina ai: 26 o Aperila 2013.

**O nei Tulafono Faatonutonu o lo o faafoeina e le Matagaluega a le
Palemia.**

**O ata o nei Tulafono Faatonutonu o lo o mafai ona faatauina atu,
mai le Ofisa o le Failautusi o le Fono Aoa o Faitulafono.**

**Lolomiina e le Failautusi o le Fono Aoa o Faitulafono,
i le pule a le Fono Aoa o Faitulafono.**